

AIR FOGRADH NAN COCUPS.

LE IAIN MAC AILAIN.

Beir an t-soridh so bhuamsa
 Gū bard ruadh Thota-Raonill ;
 'Nuair bha 'n aimsir an tus aig
 'S ro mhath dhuisedh e aoiredh.
 'N rud cach taitnedh ri 'shuilen
 Dheantedh burdan beg faoin dèth ;
 'S 'nuair a chreichdt' e ri uaislibh
 Bhiodh a dhuais na 's leoir daorid.

Ach mu'n rud s' 'chuir ort mionthlachd,
 Mar tha 'n cirain s' 'th' air mnathabh,
 B' fhearr e thall an Duneidenn,
 'S ro bheg 'fheum 'Chlann-Ghilleain.
 'S ann air leamsa 'bu choir dhaibh
 Aodach broin bhi ga chaitemh,
 'S gur a minic tha foirnert
 Aig an seorsa ga fhaighinn.

'S ann tha ferg air na duilibh
 Ris 'n fhasan ur ud gu derbha ;
 Tha na siontan air caochladh
 Ki linn daoine ga lenmhuinn.
 Chan fheil mes air na crannabh,
 'S chan fheil toradh 'san arbhar,
 Cha d' fhan iasc air a chladach,
 'S chan fheil tacar 'san fhaierge.

Chan ionghnadh leam sroilten
 Air mnathabh coir' agus pearlinn,
 Agus musalin riomhach,
 Ge daor r'a dhiol sin air feiltan ;
 Ach na broileinen anirt
 'Bhi air cailinn na spreidhe,
 'Dol do bhuaile no mhainnir,
 'S culidh fhanaid gu leir e.